

Screât il 32nt an academic cuntune sole cerimonie a Udin. La retore Cristiana Compagno: "Al è un segnâl simbolic fuart de centralitât e de unitât de Universitât dal Friûl". Ma i autonomiscj di Pordenon a protestin.

# Ateneu: crisi o no crisi i matriculins a cressin

Cerimonie uniche pe inaugurazion dal 32nt an academic de Universitât dal Friûl che tai agns passâts e jere dividude in trê moments, un par ognidune des capitâls des trê provinciis furlanis. Pal retôr Cristiana Compagno, simpri atente ae sustinibilitât economiche des sôs sieltis, si trate di un segnâl simbolic fuart su "la centralitât e su la unitât de Universitât dal Friûl".

Cu la gnove siele, cun di plui, l'Ateneu "al vûl marcâ la presince e la atenzion de Universitât pal so territori, tes sôs sedis difarentis. E je une presince – e à sclarît la professore Compagno – che no pues ridusîsi a une sole zornade di fieste, ma che si à di vivi, di fâ sù e di nudrî di par di, intune otiche di jutori mutuâl".

Dongje dai moments plui tradizionâi (relazion dal retôr, prolusion academiche, intervencs dai students e dal personâl, salût dal president de regjon), la cerimonie pal an academic 2009-2010 e à proponût ancje i salûts dai doi viei retôrs Franco Frilli (1983-1992) e Marzio Strassoldo (1992-2001), che a àn concludût il lôr servizi tal Ateneu cuntune relazion intitulade "Due decenni di impegno per l'Università del Friuli".

La motivazion proponude di Cristiana Compagno pe siele di rinunciâ aes inauguracions di Gurize e di Pordenon, no à persuadût tant e tant il Moviment autonomist furlan che, cul so coordinadôr pordenonês Gianni Sartor, al à denunciât "pres-

sions de politiche regionâl".

"I autonomiscj pordenonês a protestin cuintri cheste diminuzion dal puest di Pordenon – al à scrit Sartor – e cuintri di chest segnâl che al palese la intenzion dal Ateneu di disimpegnâsi, causionade des pres-

gnâi positifs su la tignude de Universitât furlane, ancje in face de crisi economiche, de diminuzion dai finanziaments e des riformis ministeriâls.

L'atrat dal Ateneu furlan e des sôs sedis al è stât confermât des imatricolacions pal an academic 2009-2010, che à son finidis ai 5 di Novembar. I matriculins a cressin dal 5,9%, tocjant cuote 3mil 663. La incressite e je dividude fra dutis lis sedis cuntune piche tal Friûl occidentâl, dulà che lis imatricolacions a son cressudis dal 18%, cun risultâts famôs pai cors di infermieristiche (+52%), di Siencis e tecnologiis web e multimediâls (+51%) e di Inzengnerie mecaniche (+45%).

Tal Friûl gurizan, dulà che il miorament gjenerâl al rive al 6%, al spiche il risultât dai cors tes disciplinis artistichis Dams, cuntun +56%.

In gjenerâl, lis facultâts che a cressin di plui a son Medicine veterinarie (+54%), Agrarie (+42%), Giurispudence (+24%), Inzengnerie (+14%), Lenghis (+10%), Letaris (+10%) e

Siencis de formazion (+7%). Te facultât di Economie, infin, a son stâts notâts 503 matriculins.

"Chest risultât strabon – e à comentât il retôr Cristiana Compagno – al rapresente un segnâl plaidevul dal ricognossiment de cualitât dal nestri Ateneu e dal so atrat. E po e je ancje la ricolte dal grant lavôr di orientament e di acuardi cu lis scuelis che al è stât fat vie pal an".



sions dal mont politic regionâl e dai ambients academics triestins che tant a pesin sui orghins e sui uficis regionâi". Il suspjet dal Moviment di Sartor al partis de resinte fusion di un cors di sucès de Universitât furlane cul cors muribont di inzengnerie dal Ateneu julian, patrocina-de dal assessôr regionâl triestin Alessia Rosolen.

Ma intant a continuin a rivâ se-